

Hornindal og Markane skyttarlag

Referat frå årsmøte 24. oktober 2019 Miniaturbana kl. 18.30

1. **Godkjenning av innkalling og sakliste.**
Innkalling og sakliste vart godkjend.
2. **Val av ordstyrar.** Paul Hatledal vart vald til ordstyrar
3. **Val av referent.** Thore Heggen vart vald til referent
4. **Val av to til å skrive under møteboka.** Gisle Bøe og Knut Lillestøl vart valde
5. **Årsmelding.**
Årsmeldinga vart gjennomgått av møteleiar og godkjend med enkelte kommentarar. Det skal takast med i årsmeldinga at Knut Lillestøl vart norgesmeister i skogsløp på LS.
6. **Rekneskap.**
Rekneskapa vart gjennomgått og godkjend med nokre kommentarar. Honnør til kasserar for svært godt arbeid!
7. **Olsokstemnet:**
 - 7.1 **Endra arrangementsdagar.**
Det er stilt spørsmål ved behovet for skyting søndagen på Olsokstemnet. Det har vore svært dårlig deltaking søndagen siste åra og det gir lite meining å stå med full arrangementsstab når talet skyttarar er så lågt som no. Sunnylvn har same problemet for stemnet i Hyttehola og ønskjer etter det ein forstår også å ta vekk søndagen. Det var semje om at ein vil søkje å leggje til rette for god kapasitet slik at alle skal få høve til å skyte onsdag – laurdag og at søndagen utgår om ikkje Sunnylvn framleis vil ha skyting denne dagen.
8. **Ny avtale Hornindal Rekneskapslag**
Etter at kasserar no har sett seg nøydd til å seie frå seg vervet, er det oppretta kontakt med Hornindal Rekneskapslag med sikte på å få eit tilsvarande opplegg som vi har hatt. Det er ikkje skriva avtale om dette enno, men ein legg til grunn at dette er beste måten å få handtert rekneskapa på framover med dei erfaringar vi har gjort med TripleTex-systemet som Ronny har nytta. Kostnaden vil venteleg bli om lag den same som før – det vil kome til mva, men delar av denne vil ein få refundert. Styret får fullmakt til å inngå avtale med Hornindal Rekneskapslag om dette.
9. **Lagshuset på Sindre**
Det vart orientert om tilbodet som er innhenta frå Hjelle Snikkarverkstad om nytt kjøken på Sindre. Det må settast inn ny trykktank og kjøpast skikkelig oppvaskmaskin m.v. Det er sett av kr 150.000,- i budsjettet til dette og ein reknar med å kome greitt i mål med det. Det vart også lufta tankar om å gjere meir med huset, men det blir ikkje gjort noko med dette i denne omgang. Kjøkenet blir levert rundt påsketider.
10. **Medlemskontingent.**
Vedtak: Uendra For 2020 vert medlemskontingenten slik:
Enkeltmedlemskap vaksne: kr 400,-
Enkeltmedlemskap barn/ungdom til og med det året dei fyller 16: kr 100,-
Støttemedlem: kr 100,-
Familiemedlemskap: Hovudmedlem kr 400,- andre i familien kr 100,- Minimum eitt familiemedlem må vere under 16 år.
Vedtaket var samrøystes.
11. **Subsidiar til medlemmane.**
Vedtak: Uendra For 2020 vert subsidiar til medlemmane slik:
Kr 1,50 pr heilmantel skot og kuler til medlemmer som skyt minst 4 DFS - konkurransar bane og felt utandørs.
Dekka førehandspåmelding til Landsskyttarstemne. (Må skyte)
Cal. 22 til rekrutt og junior. Alle medlemmer betaler ei eingongsavgift på kr. 400,- pr. år, og får då nytte SK-ammunisjon til alle treningar og konkurransar.
Alle som deltek på Norgescup: kr 500,- til Norgescup helgar. Unnateke NC i eige samlag og nabosamlag.
Vedtaket var samrøystes.
12. **Avgift jaktskyting**
Vedtak: Dei som ikkje er medlemmer i Hornindal og Markane skyttarlag betaler ei eingongsavgift på kr 700,- som dekkjer treningsskot og jaktprøve. Dei som nyttar fleire våpen betaler kr. 200,- pr. våpen for nr. 2, 3, osv. "Drop in" treningsskyting kostar kr 200,- pr. kveld. Dei som deltek på jegercupen betalar eit innskot på kr 200,-.
Vedtaket var samrøystes.